

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum volumen tripartitum**

**Creidius, Hartmann**

**Francofurti ad Moenum, 1682**

Dominica Reminiscere

[urn:nbn:de:bsz:31-122776](#)

# Dominica Reminiscere.

*Evangelium Matth. 15. v. 21. 28.*

**C**um Patriarcha Jacob ex Mesopotamia rediret, & traductis uxoribus ac liberis suis per vadum Jacob ardentissimis precibus Deum invocaret, ut à manu Esavi ipsum liberaret, qui armato milite ipso in occursum properabat, eccce vir qui-dam luctabatur cum eo, usque ad aurorę exortum. Sed vicit tandem Jacobus, & novum nomen propter victoriam illam adep-tus est, Gen. 32. v. 24.

Lucta hæc Jacobi cum filio Dei est imago luctæ illius spiritualis, quam omnes illi Israëlitæ, id est, verè Christiani quandoque sustinere coguntur in temptationibus, quas ipsis Deus immittit ad probam fidei, cuius exemplum nobis proponitur in hodierno Evangelio. Sed quemadmodum Jacob tandem vincit per fidem & orationem, Of. 12. v. 4. & novum propterea nomen reportat, quod non amplius Jacob sed Israel debeat appellari, quia cum Deo & hominibus luctatus erat, Genes. 32. v. 28. Ita vincit etiam Cananæa tandem, & gloriam reportat. O mulier magna est fides tua, fiat tibi sicut vis.

Nos totum ponderabimus Evangelium, quod duabus potissimum partibus absolvitur.

In I. Describitur *Conflictus*.

In II. *Eventus*.

J. J.

## EXEGESIS.

**P**etrus mulierem vocat vas fragile I. c. 3. ver. 7. sed præclara tamen facinora con-signavit Scriptura, quæ à mulieribus perpe-

trata sunt, Judic. 4. v. 21. Judit. 13. v. 5. seqq. His omnibus praefat Cananæa. Nam Jaël, Judith, & cæteræ homines vicerunt, sed Cananæa Christum vincit invincibilem admirabili conflictu, cujus descriptionem accu-ratius intuebimur.

Occurrunt autem

1. *Temporis notatio*, quando factum sit, nimirum post acrem illam cum Phari-sæis & Scribis disputationem de Traditionibus humanis, quas tanti æstimatabant ipsi, ut propter eas mandata divina trans-gredi non dubitarent. Quia enim fideli suæ informatione nihil proficiebat, sed furorem potius hostium suorum magis ma-gisque accendebat, Galilæam relinquit, & per fugam ex oculo hostium se paulisper subducit.

Docemur nos hoc exemplo, cum hos-tes veritatis certam persequuntur per-sonam, fugam esse licitam. Nemo enim propriam carnem unquam odio habuit, Ephes. 5. vers. 29. in primis hic Christi seces-sus speculum nobis præbet Ecclesiæ, quæ ambulatoria est in his terris, & ad certum locum non alligatur, ejus typus fuit in V. T. tabernaculum portatile, quod ex uno loco in aliud transferbatur, Exod. 25. vers. 14.

2. *Loci specificatio*, ubi factum sit, ni-mirum in finibus Tyri & Sidonis, quo Christus ex Galilæa secesserat. Hoc ipso præludi-um quasi fecit rejectionis populi Judaici, & vocationis gentium, de qua saepè ha-ctenus ipsis concionatus fuerat, in primis Matth. 21.

v. 33-

v.33.43. Matth.8.v.11. conjunge locum Act. 13. v.46. qui cum responso Christi in hodierna pericope optimè quadrat, siquidem Iudeos filios vocat, quibus omnium primis panis, qui de cœlo descendit, debebatur, sed quia rejiciebant, fames ipsis verbi cœlestis à Deo immissa est, de qua Am.8. v.11.

Hoc repudium Iudeorum nobis terror inicitat, ne ipsorum vestigiis insistentes eandem experiamur sortem, & Christum cum beneficiis suis amittamus, quod Paulus inculcat, Rom.ii. v.22.

3. Personarum denominatio, quæ sunt disparis conditionis. Nam prodit hic

1. Cananea mater, de qua tria commemorat Evangelista, quæ ad conflitum hunc pertinent:

1. Symbolum professionis. Nam Cananea vocatur à regione Canaan, quam Deus ex justo iudicio maledictioni subjicerat, & propter idololatriam à societate populi sui sequestraverat. Marcus græcam appellat, & patriam addit, unde fuit oriunda, nimirum ex Syrophœnica, unde Syrophœnissa dicitur. Quæ descriptio religionis arguit discrepantiam. Nam Græci in Scriptura sunt Ethnici, à republica Israel abalienati, Ephes.2.v.12.

Videmus inde Christum cum suis beneficiis etiam ad Ethnicos pertinere, unde non solum gloria Iraelis, sed etiam lumen ad revelationem gentium à Simeone appellatur, Luc.2. v.32.

2. Genus afflictionis. Nam filia ejus à Diabolo miserè vexabatur: in græco est κακῶς δαμοτίζεται, quo ingens tortura innuitur, quam puella hæc à Diabolo corporaliter obfessa toto corpore sustinuit. Quilibet cogitet, quām tragicum hoc fuerit spectaculum. Caveant igitur Parentes, ne

vel ex levitate, vel etiam ex iracundia furias & execrationes quascunque in liberorum capita & salutem evomant, ut quidam in more habent positum. Nam benedictio Patris filiorum domos firmat, maledictio autem matris fundamenta eradicat, Sir.3. vers.11.

3. Formula petitionis. Nam magno clamore ad Christum properat, & miserere mei, inquit, Domine fili David. Quæ quidem brevis est oratio, sed omnia adjuncta magno artificio complectitur. Orat enim

1. Prudenter. Non rogat Jacobum, non Johananem, non Petrum, nec chorum Apostolorum intendit, sed ad fontem ipsum pergit, inquit Chrysostomus, & suam calamitatem Christo exponit. In quo peccant 1. Calviniani, dum naturas in Christo divellunt, & Christum unâ adoratione invocare nolunt. Peccant etiam 2. Pontificii, dum ad sanctos demortuos preces suas dirigunt, & ita relictæ fonte è cisternis vacuis aquas refocillationis haurire gestiunt, Jer.2.v.13. Es.63.v.16.

2. Reverenter. Nam procidit coram Christo, ut Marcus ait c.7. v.25. & sic prævoluta indignitatem suam profitetur. Imitemur chalilimi, quia mansuetorum & humilium semper Deo placuit deprecatio, Judith.9.v.16.

3. Confidenter. Nam firmiter credit, Christum etiam localiter absentem tolo verbo Dæmonem fugere, & salutem filiæ restituere posse. Ita nostræ quoque preces è vera fide, & firma cordis fiducia profici debent, sine qua impossibile est Deo placere, Ebr.11.v.6.

4. Ardenter, dum cordis affectum magnō & lamentabili clamore exprimit. Invoca-

Dominica Reminiscere.

92

cabimus & nos Deum in Spiritu & veritate,  
Johan. 4.v.24. corde contrito & humiliato,  
Psal. 51.v.19.

5. *Indesinenter*, & contra omnes tentationum impetus in devotione perseverat: Ita nobis etiam perseverandum est a custodia matutina usque ad vespertinam, Ps. 130. v. 6. nam inter omnes virtutes sola perseverantia coronatur, Apoc. 2.v.10.

II *Christus Archiatr*, qui in mundum idem venerat, ut opera Diaboli dissolyeret, 1. Joh. 3.v.8. Hic exercet Cananæam supplcantem in palæstra crucis,

1. *Tentatione taciturnitatis*, & non respondet verbum, adeò ut discipuli pro ea intercedant, dicentes, dimitte eam, quia clamoribus nos fatigat. Mirum quomodo se potuerit continere Dominus ad tam nervosam & humilem orationem, qui alias exaudire conluevit, antequam clamemus, Esa. 56. v.24. sed factum est, ut Augustinus ait, non ut ei misericordia negaretur, sed ut desiderium accenderetur.

Talem conflictum quotidie experientur multi, dum sub cruce querulantur: Usque quod Domine clamabo, & non exaudiens, vociferabor ad te, & non salvabis, Hab. 1.v.2. sed sciant hoc non fieri ex indignatione, vel nostri oblivione, sed partim ad precum inflammationem, Luc. 18. v.7 partim ad fidei & patientiae probationem, ut quasi igne coctos puriores ac justiores nos reddat, Ps. 12. vers. 7, partim etiam ad donorum suorum commendationem. Nam citò data vilescunt, desiderata autem diu dulcius obtinentur, inquit Augustinus.

2. *Tentatione particularitatis*. Nam quia Apostoli pro Cananæa intercedunt, respondebit quidem, sed duriter respondet, & non sum missus, inquit, nisi ad oves perditas domus Israël.

Christus duplii fine missus est, ut esset Redemptor, & ut esset Prophecia & Doctor. Ratione prioris officii toti mundo missus est, Johan. 3.v.16. 1. Joh. 2.v.2. Sed ratione posterioris officii tantum Israelitico populo missus ac promissus est, unde vocatur minister Circumcisionis, Roman. 15. v. 8. & in prima discipulorum ablegatione eos tantum ad Judæos misit, Matth. 10. v. 5. Non igitur de officio redemptionis, sed de ministerio prædicationis verba Christi intelligenda sunt, interim hoc responsum in corde hujus fœminæ ita sonat, ac si planè à beneficiorum suorum participatione ipsam Christus excludere velit. Quo ipso præfigurantur cogitationes, que sèpius in corde nostro exsurgunt, an etiam ad nos beneficia Christi pertineant? an propter nos Christus in mundum venerit? an etiam & nos simus in electorum numero? Sed quemadmodum Cananæa se non patitur hoc responso deterreri, sed abiit ad ædes, in quas Christus diverterat, & coram ipso procumbens dicit: Domine, auxiliare mihi, quasi dicat: missus ad auxilium omnibus afflictis: Ego in filia mea miserè affligor. Ergò & mihi missus es. Pari ratione etiam nos surdis quasi auribus ejusmodi suggestiones de particularitate prætereramus, & respiciamus 1. universalem Patris miserationem, Ezech. 33. v.11. 1. Tim. 2. v.4. 2. Pet. 3. v.9. 2. Universalem filii satisfactionem, Johan. 1. v.29. 2. Cor. 5. v.15. 1. Joh. 2. v.2. 3. Universalem Spiritus Sancti vocationem, Esa. 65. vers. 2. Matth. 11. v.28. Marc. 16. v. 15. nemo excludet, Os. 13. v.9.

3. *Tentatione indignitatis*, & denuò petentire respondet: non est bonum sumere panem filiorum & dare canibus. Judæos liberos regni Dei, ipsam canem nominat indignum,

dignam, quæ de jure liberorum participet. Hæc erat & quæ pugnæ, ubi omnia in acie novaculæ constituta videbantur. Quare heroicum animum induit Cananææ, & eleganti inversione responsi vincit invincibilem. Fatetur se esse canem, interim sibi petit dari quod canibus non solet denegari, micas videlicet misericordiæ divinae.

Hæc demum tentatio est omnium periculissima, quando indignitas nostra nobis objicitur inter orandum, quod peccatores Deus non exaudiat, Joh. 9.v.31.

Sed exemplo Cananææ non circumspiciamus de operum meritis, ut hoc modo nostram coram Deo justitiam stabilitate velimus, Rom. 10.v.3. Sed liberè profiteamur nostram indignitatem cum Abraham, Gen. 18.v.27. Daniele, c. 9.v.18. & Centurione, Matth. 8.v.8. & micas divinae misericordia imploremus, objicientes ipsi cum Davide suavissimam invitationem suam, Ps. 27.v.8. Tunc certe is qui dives est in misericordia, superabundanter dabit plus quam peccatum aut intelligimus, Eph. 3.v.20.

### De Secundo.

**F**uit conflictus, sequitur *eventus*, quem lata certaminis catastrophe quasi coronat. Ubi notanda

1. *Christi exclamatio*, quâ austoritatis specie tandem seposita amicam suam faciem ostendit, & vietricem Cananææ fidem predicat. O mulier magna est fides tua, fiat tibi sicut vis.

Videte, quanta sit precationis vis & efficacia. Micas petit, & ecce thesauros divinae misericordiæ accipit. O instate dilecti, instate precando, & audietis etiam tandem aliquando vocem illam suavissimam, fiat sicut vis: Sicut enim Joseph ad gemitus fratrum se diutius cohibere non poterat, nam commovebantur viscera, & erumpabant lacrymæ, ut textus sonat, Genet. 43. vers. 30. Ita ecclœsis Joseph ad preces nostras se non potest continere, sed prorumpit tandem: Ego sum JESUS frater vester, nolite timere: Conturbata sunt viscera mea super te, miserans miserabot tui, Jerem. 31.v.20.

2. *Filia sanatio*. Nam eo ipso momento filia liberatur à dæmonio, Marc. 7. vers. 29. 30. Unde apparet divinae vocis Christi ἐνέγκεια, quæ filiam ad Cananææ absentem penetrat, & Diabolum expellit. Quapropter veneremur ipsum, & collaudemus Deum, qui tantam virtutem & majestatem homini Christo concessit,

Matth. 9.v.8.

## Dominica Oculi.

*Evangelium Luc. 11. vers. 14. 18.*

**C**um Simson heros ille incomparabilis descendenter cum Parentibus suis in Thaminatha, ecce catulus leonis rugiens ipsi occurrit. Irruit autem Spiritus Domini in Samson, & dilaceravit leonem

quasi hœdum, quamvis nil haberet in manu, Judic. 14.v.5.

Admirandum profectò facinus! Sed audite dilecti, quid in hodierna pericope de Christo Evangelista commemoret, cuius

M. 3

typus